

>> Pelantikan bagi tempoh tiga tahun sehingga 31 Disember 2020

Naib Canselor baru UMK

Kuala Lumpur: Timbalan Naib Canselor (Penyelidikan dan Inovasi) Universiti Putra Malaysia (UPM) Prof Datuk Dr Husaini Omar dilantik sebagai Naib Canselor Universiti Malaysia Kelantan (UMK) yang baru berkuat kuasa 1 Januari depan.

Pelantikan bagi tempoh tiga tahun sehingga 31 Disember 2020 diumumkan Kementerian Pendidikan Tinggi melalui satu kenyataan semalam.

Dr Husaini dipilih berdasarkan kepakaran, pengetahuan, pengalaman dan pencapaian memegang jawatan pentadb-

ran utama ketika meneraju jawatan di UPM dan jawatan sebelumnya sama ada di peringkat nasional atau antarabangsa.

Menurut kenyataan itu, kerajaan percaya beliau akan dapat memacu kecemerlangan UMK ke tahap yang lebih tinggi.

Dr Husaini memperoleh Ijazah Sarjana Muda dari Universiti Malaya dalam bidang Geologi, Ijazah Sarjana dari University of Leeds, United Kingdom dalam bidang sama dan seterusnya Ijazah Doktor Falsafah dari UPM dalam bi-

dang Kejuruteraan Sistem.

Ketokohan beliau dalam bidang akademik, tadbir urus korporat dan kemampuan memastikan kemampuan kewangan universiti juga turut terserlah apabila berjaya mengenangkan hasil penyelidikan bagi tujuan pengkomersialan selain turut berjaya membawa UPM Holdings Sdn Bhd menjadi anak syarikat universiti awam terbaik di Malaysia.

Beliau juga menerima pelbagai anugerah di peringkat antarabangsa seperti WIPO Gold Medal, National Youth

DR Husaini

Award, National Young Scientist Award, dan Marquis Who's in Science and Engineering atas kecemerlangan dan kepercayaan institusi antarabangsa terhadap keupayaan beliau.

